

Hakka - Sṳn-kîn - Deliverance Scriptures

Mâ-thai 6:13 Mì-hó pûn ngài-têu tù-tó thet-chhûng ke kháu-ngiam; kiu ngài-têu thot-lì ke sià-ok-chá ke sú. (Lu-kâ 11:4)

Mâ-thai 8:16 Lìm-am-é ke sù, yû-ngìn tai chhin-tô pûn-kuí fu-sûn ke ngìn lòi-kien Yâ-sû. Yâ-sû kóng yit-ki fa chhiu chiông kúi kiuk-chéu; kì ya yî-hó só-yû ke phiang-ngìn.

Mâ-thai 10:1 Yâ-sû ham sùp-ngi-ke hòk-sâng lòi, su kì-têu kiuk sià-lìn lâu yî kok-chung phiang ke khièn-piang. (Mâ-kh'o 3:14,15)

Mâ-thai 10:8 Ngì-têu oi yî-hó phiang-ngìn, ham sí-ngìn fûk-fât, sú pot thái-kô ke ngìn chhiang-li, pin kiuk-kuí. Ngì-têu he phâk-phâk tet-tó ke, ya oi phâk-phâk pûn ngìn.

Mâ-thai 12:26-29 Ká-sú Sat-tan kiuk Sat-tan, chhiu-he chhû-siông fûn-chên, kì ke koet ngiòng-pân voi khî tet-hét nò? 27 Ngài kiuk-kuí na-he kho Phét-sî-puk, án-nghiòng, ngì-têu ke chû-thi kiuk-kuí yu he kho má-sà nò? Ngì-têu ke chû-thi voi chûn-mìn he ngì-têu mì-chhòk! 28 Khì-sút, ngài kiuk-kuí na-he kho Song-ti ke Lìn, chhiu-he chûn-mìn Song-ti yí-kîn chhai ngì-têu tông-chûng chóng-khièn lé. 29 "Kám yû-ngìn nèn chin-ngip yûng-sû ke vuk-hâ hi chhióng kì ke chhòi-sán? Chhù-liáu sién chiông yûng-sû khún hí-lòi, chang yû fap-thu chhióng kì ke tûng-sî. (Mâ-kh'o 3:23-27)

Mâ-thai 12:43-45 "Sià-lìn lì-khôi só fu-sûn ke ngìn, chhai châu-sóng ke thi-fông hàng-lòi hàng-hi, chhím hiû-sít ke só-chhai, chung-he chhím mò, 44 chhiu kóng: 'Ngài oi chón ngièn-lòi ke vuk-tú hi.' Kì chhiu to-chón hi, khon-tó ke vuk hàn-tén, piang-to chhiang-li chhiang-li, yu chûn-lî to chhin hó-se. 45 Kì chhiu chhut-hi, tai chhit-ke pí kì hàn-kha ok ke sià-lìn to-chón-lòi, thùng kì khiung-ha ngip-hi hét. Án-nghiòng, ke-ngìn heu-lòi ke chhìn-hìn chhiu pí sién-chhièn hàn-kha chhám. Liá sià-ok ke sû-thoi ya voi án-nghiòng."

Mâ-thai 15:22,26,28 Ke-vi yû yit-ke Kâ-nàm ke fu-ngìn-kâ lòi kien kì, hêm-kóng: "Chú â, Thai-ví ke chû-sûn, khó-lièn ngài! Ngâ moi-é pûn kúi fu-sûn, fî-sòng kân-khú!" 26 Yâ-sû en-kóng: "Nâ chû-ñg sút ke piáng-è fit pûn kiéu-è sút he mì-chhòk ke." 28 Yâ-sû chhiu en kì kóng: "Fu-ngìn-kâ, ngì ke sin-sâm chûn-thai! Cheu ngì só-oi ke sùn-chhiòn ngì!" Kiâ moi-é chhai ke-sû chhiu hó lé.

Mâ-thai 16:19 Ngài oi chiông thiêng-koet ke só-sû kâu-pûn ngì, ngì chhai thi-song só kim-chû ke, chhai thiêng-tâng ya oi kim-chû; ngì chhai thi-song só phî-chún ke, chhai thiêng-tâng ya oi phî-chún." (Mâ-thai 18:18)

Mâ-thai 17:19-21 Sû-heu, hòk-sâng am-chûng lòi mun Yâ-sû kóng: "Ngài-têu ngiòng-pân mò fap-thu chiông ke kúi kiuk chhut-hi nè?" 20/21 Yâ-sû en-kóng: "Yîn-vi ngì-têu ke sin-sâm thet-se. Ngài sút-chhai lâu ngì-têu kóng, ngì-têu ke sin-sâm na-he yû yit-liáp kie-chhoi-chû án-thai, chhiu-he tui liá-chho sân kóng: 'Tui liá-vi sái-to ke-vi hi!' kì ya voi sái ko-hi. Mò má-ke sû he ngì-têu cho mì-tó ke."

Mâ-kh'o 1:23-26 Tú-hó, chhai kì-têu ke fi-thòng-tú yû yit-ke sià-lìn fu-sûn ke ngìn

hêm-kóng: 24 "Nâ-sat-lét ke Yâ-sû, ngì ngióng-pân lòi kôn-sáp ngài-têu? Ngì lòi sêu-mét ngài-têu he-mò? Ngài tî ngì he má-ngìn; ngì he Song-ti ke Sûn-chá!" 25 Yâ-sû min-lin ke-chak sià-lìn kóng: "Tiâm-tiâm, tui liá ngìn sûn-song chhut-lòi!" 26 Sià-lìn sú ke-ngìn chhiòn-sûn pit-pit-chhat, yèn-heu thai-kieu yit sâng, chhiu tui kiâ sûn-song chhut-lòi.

Mâ-kh'o 1:32-34 To lìm-am-é, ngit-thèu lòk-sân ke sù, yû chhin-tô ngìn tai kok-chúng ke phiang-ngìn lâu pûn-kuí fu-sûn ke ngìn lòi-to Yâ-sû ke mien-chhièn; 33 sàng-nui ke ngìn chhiòn-phu chhi-sip to mùn-chhièn lòi. 34 Yâ-sû yî-hó kok-chúng phiang-chun ke ngìn, ya kiuk-chéu chhin-tô kúi. Kì put-chún kúi kóng-fa, yîn-vi kì-têu tî kì he má-ngìn.

Mâ-kh'o 1:39 Án-ngiòng, Yâ-sû hàng-phien Kâ-li-li chhiòn-thi, chhai kok thi-fông ke fi-thòng chhòn-tho, yu kiuk-kúi.

Mâ-kh'o 5:8 (Kì kóng liá-ke fa he yîn-vi Yâ-sû yí-kîn fûn-fu kì kóng: "Sià-lìn â, tui liá-ke ngìn sûn-song chhut-lòi!")

Mâ-kh'o 6:7,13 Kì ham súp-ngi-ke hòk-sâng lòi, phai kì-têu lióng-sà lióng-sà khiung-ha chhut-hi. Kì su kì-têu kiuk sià-lìn ke khièn-piang, 13 Kì-têu ya kiuk-chéu chhin-tô kúi, yung yù kò chhin-tô phiang-ngìn, yî-hó kì-têu.

Mâ-kh'o 9:23-25 Yâ-sû kóng: "He ô, ngì na yû phan-fap! Yû sin-sâm ke ngìn, má-ke sú-chhìn tú yû khó-nèn." 24 Se-ngìn-è ke â-pâ ngiàm-sù thai-sâng kóng: "Ngài sin, chúng-he ngài ke sin-sâm mì-la, khiù ngì pông-chhu ngài!" 25 Yâ-sû khon-tó chung-ngìn vì-tén lòi, chhiu ngiàm-ngiàm chit-phi ke sià-lìn kóng: "Ngì liá lûng-á-kúi, ngài min-lin ngì tui liá se-ngìn-è sûn-song chhut-lòi, put-chún ngì chai ngip-hi!"

Mâ-kh'o 9:29 Yâ-sû en-kóng: "Chú-yû kho khì-tó chang kiuk tet-chéu liá-chúng ke kúi, yîn/ngoi mò phét ke phan-fap."

Mâ-kh'o 9:38,39 Yok-hon tui Yâ-sû kóng: "Sîn-sâng, ngài-têu khon-tó yû-ngìn fung ngì ke miàng kiuk-kúi, ngài-têu chhiu kim-chú kì, yîn-vi kì mì-he thèn ngài-têu ke." 39 Yâ-sû kóng: "Mì-hó kim-chú kì; yîn-vi mò ngìn voi fung ngài ke miàng hàng sûn-chiak, ngiàm-sù yu fán-ko-lòi kóng fái-fa kûng-kit ngài.

Mâ-kh'o 16:17 Sin ke ngìn voi yû hàng liá-têu sûn-chiak ke nèn-lít: Kì-têu voi fung ngài ke miàng kiuk-kúi; kóng sîn ke lìn-ngî;

Lu-kâ 4:18 Chú ke Lìn lìm-to ngài, yîn-vi Kì yung yù kò ngài, lòi kién-sién ngài, ham ngài hiong khiùng-khú ke ngìn chhòn fuk-yîm. Kì phai ngài lòi sién-pu: Pûn-ngìn chok ke, tet-tó süt-fong; mô-muk ke ngìn, tet-tó kông-mìn; oi ngài sú su ap-chú ke tet-tó chhú-yù; (Yî-soi-â 61:1)

Lu-kâ 4:34-36 "Nâ-sat-lét ke Yâ-sû â, ngì ngióng-pân lòi kôn-sáp ngài-têu? Ngì lòi sêu-mét ngài-têu he-mò? Ngài tî ngì he má-ngìn; ngì he Song-ti ke Sûn-chá!" 35 Yâ-sû min-lin ke-chak sià-lìn kóng: "Tiâm-tiâm, tui liá ngìn sûn-song chhut-lòi!" Kúi sú ke-ngìn chhai chung-ngìn mien-chhièn phiâng-hâ-hi, chhiu tui kì ke sûn-song chhut-lòi, yit-sit-é ya mò sông-tó kì. 36 Chung-ngìn fî-sòng chhòk-kiâng, pí-chhúy ngi-lun kóng: "Liá to-tái he má-ke fa nè! Kì kin-yèn yû khièn-piang lâu nèn-lít chû-fî sià-lìn, sià-lìn ya chun-kîn chhut-lòi!"

Lu-kâ 4:41 Ya yû kúi tui hó-tô ngìn sûn-song chhut-lòi, hêm-kóng: "Ngì he Song-ti ke Lai-é!" Yâ-sû chit-phi ke-têu kúi, put-chún kì-têu kóng-fa, yîn-vi kì-têu tî kì

chhiu-he Kî-tuk.

Lu-kâ 7:21 Ke-sù, Yâ-sû tú-tú yî-hó chhin-tô pot-phiang, chhàn-chong, lâu pûn sià-lìn fu-sûn ke ngìn, ya sú chhin-tô mô-muk-ke khon-tet-tó.

Lu-kâ 8:29 Kì án-ngiòng kóng, he yîn-vi Yâ-sû yû fûn-fu sià-lìn tui ke-ngìn sûn-song chhut-lòi. Ngièn-lòi ke-ngìn pûn sià-lìn fu-sûn chhin-tô pái, pûn-ngìn chok-hi koân, yung sú-khau kiok-liàu só-tén; chûng-he sià-lìn sông-sûn ke sù-chiet, sú-khau kiok-liàu sa pûn kì ngiú-thôn, kúi chhiu tai kì chéu-hi khóng-yâ.

Lu-kâ 9:40 Ngài khiù ngiâ hók-sâng kiuk liá-ke sià-lìn chéu, chûng-he kì-têu mò phan-fap."

Lu-kâ 10:17-20 Ke chhit-sûp-ngi-ke ngìn fôn-fôn hí-hí chón-lòi, po-ko kóng: "Chú á! Ngài-têu yung ngì ke miàng min-lin, lièn kúi ya fûk-chhiùng ngài-têu!" 18 Yâ-sû tui kì-têu kóng: "Ngài khon-tó sat-tan chhiong ngiap-lang án-ngiòng tui thiêntáng phiâng-hâ-lòi. 19 Thâng-hó ô! Ngài yí-kîn su ngì-têu khièn-piang, hó chien-tháp sà lâu hiet-è, ya nèn yàng-ko sù-thit yit-chhiet ke lit-long; mò má-ke nèn hoi ngì-têu lé. 20 Chûng-he, mò-hó yîn-vi sià-lìn hòng-fûk ngì-têu lòi fôn-hí; oi yîn-vi ngì-têu ke miàng ki-liûk chhai thiêntáng lòi fôn-hí."

Lu-kâ 11:14 Yâ-sû kiuk-chéu yit-ke á-è-kúi, kúi chhut-hi heu, ke-ngìn chhiu kóng-fa. Chung-ngìn lûng-chûng chhin chhòk-kiâng,

Lu-kâ 11:20-22 Khì-sút, ngài kiuk-kúi na-he kho Song-ti ke nèn-lit, chhiu-he chun-mìn Song-ti yí-kîn chhai ngì-têu tông-chûng chóng-khièn lé. 21 "Sú nâ vú-hi ke yûng-sû chóng-tén kì chhû-kâ ke vuk, ke-sù kì ke tûng-sî chhiu chhin ôn-chhiòn. 22 Chûng-he, pí kì hàn-kha yû-lit ke yûng-sû lòi-to, chû-fûk kì, chhiu chiông kì só-kho ke vú-hi chhióng-chéu, yu chiông kì só chhióng-lòi ke tûng-sî pûn-the.

Lu-kâ 13:32 Yâ-sû en-kóng: "Ngì-têu hi lâu ke-chak fû-lì kóng: 'Ngì khon! Kîm-pûngit lâu thiêntâng-kgit ngài oi kiuk-kúi lâu yî-phiang, thi-sâm-ngit ngài chhiu oi vàn-sûn ngài ke kûng-chok.'

Yok-hon 14:12 Ngài sút-chhai lâu ngì-têu kóng, sin ngài ke ngìn ya voi cho ngài só-cho ke sú, sum-chû oi cho hàn-kha thai ke sú; yîn-vi ngài oi hi Â-pâ ke-vi.

Yok-hon 17:15 Ngài mò-he khiù Ngì chiông kì-têu tui liá sú-kiên tai-chéu, ngài he khiù Ngì pô-sú kì-têu thot-lì ke sià-ok-chá.

Sú-thù hàng-chhon 10:38 Ngì-têu ya thâng-ko: Song-ti he ngióng-pân yung Sûn-lìn lâu nèn-lit chhûng-mân Nâ-sat-lét-ngìn Yâ-sû. Kì hi-to tak só-chhai hàng hó-sû, yî-hó só-yû pûn Mô-kúi khûng-chû ke ngìn, yîn-vi Song-ti lâu kì thûng-chhai.

Sú-thù hàng-chhon 16:17,18 Kì kûi-lu thèn-tén Pó-lò lâu ngài-têu, thai-sâng hêm-kóng: "Liá-têu ngìn he Chû-kô Song-ti ke phûk-ngìn, oi tui ngì-têu siêng-pu tet-kiu ke tho-lu!" 18 Kì lièn-lièn hó-tô ngit án-ngiòng kín hêm; chui-heu Pó-lò kám-kok chhin nâu, chhiu chón-sûn, tui ke sià-lìn kóng: "Ngài fung Yâ-sû Kî-tuk ke miàng, min-lin ngì tui kiâ sûn-song chhut-lòi!" Ke sià-lìn ngiàm-sû chhiu chhut-lòi.

Sú-thù hàng-chhon 19:11,12 Song-ti thûng-ko Pó-lò hàng yit-têu fî-sòng hî-khì ke sûn-chiak; 12 sum-chû yû-ngìn nâ kì yung-ko ke sú-kîn ya-he vì-sûn-khiùn hi piong chhai phiang-ngìn ke sûn-song, ya voi sú phiang-thung sêu-chhù, sú sià-

lìn tui só fu-sûn ke ngìn sûn-song chhut-lòi.

Sú-thù hàng-chhon 26:15-18 Ngài mun-kóng: 'Chú â, ngì he má-ngìn?' Chú kóng: 'Ngài chhiu-he ngì só pet-hoi ke Yâ-sû. 16 Hong-hí-lòi, khî-tén! Ngài tui ngì hién-hien he oi sat-lip ngì cho ngài ke phûk-ngìn, phai ngì hi vi-tó kîm-pû-ngit ngì khon-tó ngài ke sú lâu chiông-lòi ngài oi chû-sû ngì ke sú cho kien-chun. 17 Ngài voi chiông ngì tui Yî-set-liết-ngìn lâu Ngor-pâng-ngìn sú-chûng kiu-chhut-lòi. Ngài chhái-phai ngì hi kì-têu chûng-kiên, 18 lòi khôi kì-têu ke muk-chû, sú kì-têu tui vû-am chûng chón-hiong kông-mìn, tui Sat-tan ke khièn-sû chû-ha kûi-hiong Song-ti; án-ngiòng, kì-têu chhiu voi yân-vi sin ngài lòi tet-tó sa-chhui, ya voi chhai Song-ti ke sién-mìn chûng tet-tó thi-vi.'

Lò-mâ 16:20 Su phìn-ôn ke Song-ti chhiu voi chien-tháp Sat-tan, ham kì hòng-fûk chhai ngì-têu ke kiok-hâ. Ngien ngài-têu ke Chú Yâ-sû su ên-tién pûn ngì-têu!

2 Kô-lìm-tô 2:11 miên-tet ngài-têu pûn Sat-tan kha-yàng, yân-vi ngài-têu chhin chhîn-chhú Sat-tan ke kúi-kie.

Kâ-lâ-thai 1:4 Kî-tuk vi-tó oi kiu ngài-têu thot-lì liá sià-ok ke sù-thoi, chûn-chhiùng ngài-têu Â-pâ Song-ti ke chû-yi, sút vi ngài-têu ke chhui hî-sên chhû-kâ.

Yî-fut-s'o 4:27 m-hó liù kî-fi pûn Mô-kúi lòi hoi ngì.

Yî-fut-s'o 6:11 Ngì-têu oi chok Song-ti só su ke chhiòn-fu kiûn-chông, pûn ngì-têu khî tet-hét, lòi tí-tóng Mô-kúi ke kúi-kie.

2 Thiap-sat-lò-nì-kâ 3:2,3 Chhiáng ngì-têu ya oi khî-tó Song-ti, kiu ngài-têu thot-lì ke-têu sià-ok ke ngìn, yân-vi m-he mî-yit-ke ngìn tû siông-sin chûn-tho. 3 Chûng-he, Chú he sin-sût ke; Kì voi pûn ngì-têu sàng-cho kiên-khiòng, yu pó-fu ngì-têu thot-lì ke sià-ok-chá ke ham-hoi.

2 Thì-mô-thai 2:26 Án-ngiòng, sûi-yèn Mô-kúi chiông kì-têu chok-hi, khiòng-pet kì-têu sun-fûk, kì-têu ya khô-nèn voi siáng ko-lòi, tui kì ke lò-mióng tî-poi chéu-chhut-lòi.

2 Thì-mô-thai 4:18 Chú yit-thin voi kiu ngài thot-lì yit-chhiet sià-ok, chiap ngài ôn-ôn chhiòn-chhiòn to kì ke thiên-koet hi. Ngien yûng-kông kûi-pûn kì, chhût-to yún-yún yén-yén! Â-mén.

1 Pí-tet 5:8 Oi chiet-chû kín-siáng! Ngì-têu ke tui-thít --- Mô-kúi chhiong ho-ho-kún ke sû-é án-ngiòng hàng-lòi hàng-hi, chhím kì thûn-tet-lòk-hi ke ngìn.

1 Yok-hon 4:4 Chhîn-oi ke chû-ýng â, ngì-têu he sûk Song-ti ke, ya yí-kîn yàng-ko ká sién-tî lé, yân-vi chhai ngì-têu tî-poi ke Lìn pí sûk sú-kie ke ngìn tî-poi ke lìn kha yû lit-liong.

Su-muk 10:35 Let God arise and enemies scatter.

Deuteronomy 23:5 God turn curse into blessing (Ne-hi-mí 13:2)

Sû-phiên 44:4 God command deliverance for Jacob.